

書

魏文帝集卷之六

魏文帝曹丕子桓著

令

答劉廙等令

天下重器王者正統以聖德當之猶有懼心吾
何人哉且公卿未至乏主斯豈小事且宜以待
固讓之後乃當更議其可耳

劉廙等勸進附

臣等聞聖帝不違時明主不逆人故易稱通

安政七改

天下之志斷天下之疑伏惟陛下體有虞之
上聖承土德之行運當亢陽明夷之會應漢
氏祚終之數合契皇極同符兩儀是以聖瑞
表徵天下同應歷運去就深切著明論之天
命無所與議比之時宜無所與爭故受命之
期時清日晏曜靈施光休氣雲蒸是乃天道
悅懌民心欣戴而仍見閉拒於禮何居且群
生不可一日無主神器不可以斯湏無統故
臣有違君以成業下有矯上以立事臣等敢
不重以死請

不重以取請

答蘇林等令

凡斯皆宜聖德故曰苟非其人道不虛行天瑞
雖彰湏德而光吾德薄之人胡足以當之今讓
冀見聽許外內咸使聞知

蘇林等表附

天有十二次以爲分野王公之國各有所屬
周在鶉火魏在大梁歲星行歷十二次國天
子受命諸侯以封周文王始受命歲在鶉火
至武王伐紂十三年歲星復在鶉火故春秋

傳曰武王伐紂歲在鶉火歲之所在卽我有周之分野也昔光和七年歲在大梁武王始受命爲時將討黃巾是歲改年爲中平元年建安元年歲復在大梁始拜大將軍十三年復在大梁始拜丞相今二十五年歲復在大梁陛下受命此魏得歲與周文王受命相應今年青龍在庚子詩推度災曰庚者更也子者滋也聖命天下治又曰王者布德於子治成於丑此言今年天更命聖人制治天下布德於民也魏以改制天下與時協矣顓頊受命歲在豕韋衛居其地亦在豕韋故春秋傳曰衛顓頊之墟也今十月斗之建則顓頊受命之分也始魏以十月受禪此同符始祖受命之驗也魏之氏族出自顓頊與舜同祖見于春秋世家舜以上德承堯之火今魏亦以上德承漢之火於行運會於堯舜授受之次臣聞天之去就固有常分聖人當之昭然不疑故堯捐骨肉而禪有虞終無恡色舜發壠

畝而君天下若固有之其相受授間不替漏天下已傳矣所以急天命天下不可一日無君也今漢期運已終妖異絕之已審陛下受天之命符瑞告徵丁寧詳悉反覆備至雖言語相喻無以代此今既發詔書璽綬未御固執謙讓上逆天命下違民望臣謹按古之典籍參以圖緯魏之行運及天道所在卽尊之驗在於今年此月昭晰分明唯陛下遷思易慮以時卽位顯告天帝而告天下然後改正朔易服色正大號天下幸甚

漢書卷六

答華歆等令

以德則孤不足以時則戎虜未滅若以群賢之靈得保首領終君魏國於孤足矣若孤者胡足以辱四海至乎天瑞人事皆先王聖德遺慶孤何有焉是以未敢聞命

華歆等勸進附

臣等被召到伏見太史丞許芝左中郎將李伏所上圖讖符命侍中劉廙等宣叙衆心人靈同謀又漢朝知陛下聖化通于神明聖德

參于虞夏因瑞應之備至聽歷數之所在遂
獻璽綬固讓尊號能言之倫莫不抃舞河圖
洛書天命瑞應人事協于天時民言協于天
叙而陛下性秉勞謙體尚克讓明詔懇切未
肯聽許臣妾小人莫不伊邑臣等聞自古及
今有天下者不常在乎一姓考以德勢則盛
衰在乎彊弱論以終始則廢興在乎期運唐
虞歷數不在厥子而在舜禹舜禹雖懷克讓
之意迫群后執玉帛而朝之兆民懷欣戴而
歸之率土揚歌謠而詠之故其守節之拘不
可得而常處達節之權不可得而久避是以
或遜位而不恡或受禪而不辭不恡者未必
厭皇寵不辭者未必渴帝祚各迫天命而不
得以已旣禪之後則唐氏之子爲賓于有虞
虞氏之胄爲客于夏代然則禪代之義非獨
受之者實應天福授之者亦與有餘慶焉漢
自章和之後世多變故稍以陵遲泊乎孝靈
不恒其心虐賢害仁聚歛無度政在嬖豎視

民如讐遂令上天震怒百姓從風如歸當時
則四海鼎沸既沒則禍發宮庭寵勢並竭帝
室遂卑若在帝舜之末節猶擇聖代而授之
荆人抱玉璞猶思良工而刊之况漢國既往
莫之能匡推器移君委之聖哲固其宜也漢
朝委質既願禪禮之速定也天祚率土必將
有主王率土者非陛下其孰能任之所謂論
德無與爲比考功無推讓矣天命不可久稽
民望不可久違臣等悽悽不勝大願伏請陛
下割撫謙之志脩受禪之禮副人神之意慰
外內之願

順天命也群臣願
可遂孤亦以此

相國欽

小內之題

又答相國歆等令

昔者大舜飯糗茹草將終身焉斯則孤之前志也及至承堯禪被珍裘妻二女若固有之斯則順天命也群公卿士誠以天命不可拒民望不可違孤亦曷以辭焉

相國歆等又勸進附

臣等伏讀詔書於邑益甚臣等聞易稱聖人奉天時論語云君子畏天命天命有去就然後帝者有禪代是以唐之禪虞命在爾躬虞

之順唐謂之受終堯知天命去已故不得不
禪舜舜知歷數在躬故不敢不受不得不禪
奉天時也不敢不受畏天命也漢朝雖承季
末陵遲之餘猶務奉天命以則堯之道是以
願禪帝位而歸二女而陛下正於大魏受命
之初抑虞夏之達節尚延陵之讓退而所枉
者大所直者小所詳者輕所略者重中人凡
士猶爲陛下陋之沒者有靈則重華必忿憤
於蒼梧之神墓大禹必鬱悒於會稽之山陰

武王必不悅於商陵之玄宮矣是以臣等敢
以死請且漢政在闡宦祿去帝室七世矣遂
集矢石於其宮殿而二京爲之丘墟當是之
時四海蕩覆天下分崩武王親衣甲而冠胄
沐雨而櫛風爲民請命則活萬國爲世撥亂
則致升平鳩民而立長築宮而置吏元元無
過罔於前業而始有造於華夏陛下卽位光
昭文德以翊武功勤恤民隱視之如傷懼者
寧之勞者息之寒者以暖饑者以克遠人以

恩復寇敵以恩降邁恩種德光被四表稽古
篤睦茂于放勛網漏吞舟弘乎周文是以布
政未暮人神並和皇天則降甘露而臻四靈
后土則挺芝草而吐醴泉虎豹鹿兔皆素其
色雉鳩燕雀亦白其羽連理之木同心之瓜
五采之魚珍祥瑞物雜沓於其間者無不畢
備古人有言微禹吾其魚乎微大魏則臣等
之白骨交橫于曠野矣伏省群臣外內前後
章奏所以陳叙陛下之符命者莫不條河洛
之圖書據天地之瑞應因漢朝之款誠宣萬
方之景附可謂信矣省矣三王無以及五帝
非無以加民命之懸於魏政三十有餘年矣此
乃千世時至之會萬載一遇之秋達節廣度
宜昭於斯際拘牽小節不施於此時久稽天
命罪在臣等輒營壇場具禮儀擇吉日昭告
昊天上帝秩群神之禮須禋祭畢會群寮於
朝堂議年號正朔服色當施行

命罪亦曰準臚營置募具斷謝其吉日舉告
 宜即飲祺網休率小節不蔽外此朝公節天
 以千世劫至之會萬燁一愚之殊妻隨萬貴
 無以賦另命之戀外駭如三十有餘年矣此
 才之景州可謂計矣皆矣三王無以文正帝
 之圖書赫天賦之端期因戴臚之為婚宜萬

薄稅令

關津所以通商旅池苑所以禦灾荒設禁重稅
 非所以便民其除池籓之禁輕關津之稅皆復
 什一

人本出其資

其資其池子

其資其池子

廣詢令

軒轅有明臺之議放勛有衢室之問皆所以廣
詢于下也百官有司其務以職盡規諫將率陳
軍法朝士明制度牧守申政事縉紳考六藝吾
將兼覽焉宜且又人封

問雍州刺史張旣令

蘇則為金城太守西平麴演叛則勒兵
討之演乞降文帝時襲王位令問旣旣
答之加則護羌校尉賜爵關內侯
後演復結旁郡為亂則誘斬之

試守金城太守蘇則旣有綏民平夷之功聞又
出軍西定湟中為河西作聲勢吾甚嘉之則之
功効為可加爵邑未邪封爵重事故以問卿密
白意且勿宣露也

張旣答魏王附

金城郡昔為韓遂所見屠剥死喪流亡或竄

戎狄或陷寇亂戶不滿五百則到官內撫彫
殘外鳩離散今見千餘又梁燒雜種羌昔與
遂同惡遂斃之後越出障塞則前後招懷歸
就郡者三千餘落皆卹以威恩爲官効用西
平麴演等倡造邪謀則尋出軍臨其項領演
卽歸命送質破絕賊糧則旣有卹民之效又
能和戎狄盡忠効節遭遇聖明有功必錄若
則加爵邑誠足以勸忠臣勵風俗也

魏文帝集卷之七

魏文帝曹丕子桓著

策

追封鄧公策

惟黃初二年八月丙午皇帝曰咨爾鄧哀侯冲
昔皇天鍾美於爾躬俾聰哲之才成於弱年當
永享顯祚克成厥終如何不祿早世天昏朕承
天序享有四海並建親親以藩王室惟爾不逮
斯榮且葬禮未備追悼之懷愴然攸傷今遷葬

于高陵使使持節兼謁者僕射郎中陳承追賜
號曰鄧公祠以大牢魂而有靈休茲寵榮

昔皇天軫美外爾陳陳
昔皇天軫美外爾陳陳
昔皇天軫美外爾陳陳

皇極經世一

魏文帝集卷之十
魏文帝集卷之十
魏文帝集卷之十

謚龐德策

昔先軫喪元王蠲絕脰隕身殉節前代美之惟
侯式昭果毅蹈難成名聲溢當時義高在昔寡
人愍焉謚曰壯侯受備物所以表尊

賢哲也近漢高祖受命之初分
賢哲也近漢高祖受命之初分
賢哲也近漢高祖受命之初分

姓斯則前世之懿事後王之
姓斯則前世之懿事後王之
姓斯則前世之懿事後王之

人怒無益曰此矣

列左昭果楚留韓列各獲誠信謂漢高王昔慕
昔决鍾與元王融然則所身臨前而美之耶
蓋謂燕策

策孫權九錫文

蓋聖王之法以德設爵以功制祿勞大者祿厚
德威者禮豐故叔旦有夾輔之勲太公有鷹揚
之功並啟土宇并受備物所以表章元功殊異
賢哲也近漢高祖受命之初分裂膏腴以王八
姓斯則前世之懿事後王之元龜也朕以不德
承運革命君臨萬國秉統天機思齊先代坐而
待旦惟君天資忠亮命世作佐深覩歷數達見
廢興遠遣行人浮于潛漢望風影附抗疏稱藩

兼納織絺南方之貢普遣諸將來還本朝忠肅
內發款誠外昭信著金石義蓋山河朕甚嘉焉
今封君爲吳王使使持節太常高平侯貞授君
璽綬策書金虎符第一至第五左竹使符第一
至第十以大將軍使持節督交州領荊州牧事
錫君青土苴以白茅對揚朕命以尹東夏其上
故驃騎將軍南昌侯印綬符策今又加君九錫
其敬聽後命以君綏安東南綱紀江外民夷安
業無或攜貳是用錫君大輅戎輅各一玄牡二

駟君務財勸農倉庫盈積是用錫君衮冕之服
赤鳥副馬君化民以德禮教興行是用錫君軒
縣之樂君宣導休風懷柔百越是用錫君朱戶
以居君運其才謀官方任賢是用錫君納陛以
登君忠勇並奮清除姦慝是用錫君虎賁之士
百人君振威陵邁宣力荆南梟滅凶醜罪人斯
得是用錫君鈇鉞各一君文和於內武信於外
是用錫君彤弓一彤矢百旅弓十旅矢千君以
忠肅爲基恭勤爲德是用錫君秬鬯一鹵圭瓚

副馬欽哉敬敷訓典以服朕命以勗相我國家
永終爾顯烈寺一泐天百越寺十卷天千卷以
得長川過昔越越谷一試文正公以友計公
百人各避刻憲官八時或云以則入則
登孫出與並齊前劍或惡以則或則或士
教以孫登爲東中郎封侯策
蓋河洛寫天意符讖述聖心昭晰著明與天談
也故易曰河出圖洛出書聖人則之孫將軍歸
心國朝忠亮之節同功佐命而其子當爲魏將
軍著在圖讖猶漢光武受命李氏爲輔王梁孫
咸並見符緯也斯乃皇天啟祐大魏永令孫氏
仍世爲佐其以登爲東中郎將封縣侯萬戶昔
周嘉公旦祚流七胤漢禮蕭何一門十侯今孫
將軍亦當如斯若夫長平之榮安豐之寵方斯

受如

軍容壯圖滿節黃衣近受命李及以國主來
 心國歸忠亮之節同以命而其于當為驃
 此姑易曰何出圖容出書聖人限之新將軍
 蓋成欲為天意益端水聖以限湖春即與天
 以新登意東中鴻持新策

教不始易三寸之意對也則對非高則就今
 合答卡蘭教令人學好樂不始文請教之心

賦者言事類之因附也頌者美盛德之形容也
 故作者不虛其辭受者必當其實蘭此賦豈吾
 實哉昔吾丘壽王一陳寶鼎何武等徒以歌頌
 猶受金帛之賜蘭事雖不諒義足嘉也今賜牛
 一頭

伏惟太子研精典籍留思篇章覽照幽微才

不世出稟聰叡之絕性體明達之殊風慈孝
發於自然仁恕洽於無外是以武夫懷恩文
士歸德竊見所作典論及諸賦頌逸句爛然
沈思泉涌華藻雲浮聽之忘味正使聖人復
存猶稱善不暇所不能間也昔舜以烝烝顯
其德周旦以不驕成其德豈因南面之尊以
發稱假鼎足之盛以取譽哉夫至尊至貴能
令人畏不能令人譽故桀不能變龍逢之心
紂不能易三仁之意懷近服遠非德無施今

太子博納多容海淳岳峙學無常師唯德所
在思無所思唯德所親觀士察人毫毛無失
望色則知其情覽始則達其終遏僞辯於未
言絕讒巧於未形其所以包羅殊類鑑觀成
敗德生於性明出自然太子所行晏然休著
皆群下所常吟詠誠不復須臣贊揚懿美褒
稱盛行然後令夜光之璧顯於金匱隋侯之
珠彰於韞櫝者也今相鍾繇大理王朗海內
英儒國家柱臣博物多識通洽君子年耆德

茂所更多矣若游海者難與論水覩前世者不可爲言然咸歸太子巍巍之美叙述清風言之有承聽者欣欣忘日之夕流景耀於無窮布芳陰於四遠譬則麟龍發足群獸追蹤鸞鳳舉翼衆鳥隨風小臣區區嘉樂無已竊怡綿綿之屬忘愚戇之言謹觸冒上賦一篇以攄狂狷之思

下蘭贊述太子賦附

超古人之遐迹崇先聖之弘基瞻八素之秘奧遵二儀於大猷正往昔之常弊定當世之舊儀稟休和之上性應五百之運期春典憲之高論作叙權之麗詩越文章之常檢揚不學之妙辭蹈布衣之所難闡善道而廣之道無深而不測術無細而不敷論古賢以歎息覩懿德以歡娛歷精思於訓籍忽日移而忘劬雖明略而無上猶博納以自扶賓故老以勸俗諷六經以崇儒嘉通人之達節笑俗士之守株匿天威之嚴厲揚愷悌之和舒惟凡

百之詠德感恩惠之有餘信清風之休著非
臣下之敢虛乃作頌曰明明太子旣叡且聰
博聞強記聖思無雙倚之左右如虎如龍八
俊在側旁無諛凶富不忘施尊而益恭研精
書籍留思異同建計立議廓然發蒙天下延
頸歌頌德音聞之於古見之於今深不可測
高不可尋創法萬載乘此休風

表

命讓禪表

皇帝陛下奉被今月乙卯璽書伏聽冊命五內
驚震精爽散越不知所處臣前上還相位退守
藩國聖恩聽許臣雖無古人量德度身自定之
志保已存性實其私願不寤陛下猥損過謬之
命發不世之詔以加無德之臣且聞堯禪重華
舉其克諧之德舜授文命采其齊聖之美猶下
咨四嶽上觀璿璣今臣德非虞夏行非二君而

承歷數之諮應選授之命內自揆撫無德以稱
且許由匹夫猶拒帝位善卷布衣而逆虞詔臣
雖鄙蔽敢忘守節以當大命不勝至願謹拜章
陳情使行相國永壽少府糞土臣毛宗奏并上
璽綬

漢帝禪詔附

惟延康元年十月乙卯皇帝曰咨爾魏王夫
命運否泰依德升降三代卜年著於春秋是
以天命不于常帝王不一姓由來尚矣漢道

陵遲爲日已久安順已降世失其序冲質短

祚三世無嗣皇綱肇虧帝典頽沮暨于朕躬

天降之災遭無妄厄運之會值炎精幽昧之

期變興輦轂禍由闔宦董卓乘釁惡甚澆獍

劫遷省御太僕宮廟遂使九州幅裂疆敵虎

爭華夏鼎沸蝮蛇塞路當斯之時尺土非復

漢有一夫豈復朕民幸賴武王德膺符運奮

揚神武芟蕞兇暴清定區夏保乂皇家今王

纘承前緒至德光昭御衡不迷布德優遠聲

教被四海仁風扇鬼區是以四方効珍人神
響應天之歷數實在爾躬昔虞舜有夫功二
十而放勛禪以天下大禹有疏導之績而重
華禪以帝位漢承堯運有傳聖之義加順靈
祇紹天明命釐降二女以嬪于魏使使持節
行御史大夫事太常音奉皇帝璽綬王其永
君萬_三敬御天威允執其中天祿永終敬之
哉_三冊

讓禪第二表

奉今月戊戌璽書重被聖命伏聽冊告肝膽戰
悸不知所措天下神器禪代重事故堯將禪舜
納于大麓舜之命禹玄圭告功烈風不迷九州
攸平詢事考言然後乃命而猶執謙讓于德不
嗣况臣頑固質非三聖乃應天統受終明詔敢
守微節歸志箕山不勝大願謹拜表陳情使并
奉上璽綬

漢詔附

皇帝問魏王言遣宗奉庚申書到所稱引聞
之朕惟漢家世踰二十年過四百運周數終
行祚已訖天心已移兆民望絕天之所廢有
自來矣今大命有所底止神器當歸聖德違
衆不順逆天不祥王其體有虞之盛德應歷
數之嘉會是以禎祥告符圖讖表錄神人同
應受命咸宜朕畏上帝致位于王天不可違
衆不可拂且重華不逆堯命大禹不辭舜位
若夫由卷匹夫不載聖籍固非皇材帝器所
當稱慕今使音奉皇帝璽綬王其陟帝位無
逆朕命以祇奉天心焉

衆不順遊天不降三式
 數之嘉會是以禎祥吉乎
 應受命咸宜朕受命
 茲期命以加奉天少焉
 當派慕令封音奉皇帝璽
 王其則帝心

讓禪第三表

臣聞舜有賓于四門之勲乃受禪于陶唐禹有
 存國七百之功乃承祿于有虞臣以蒙蔽德非
 二聖猥當天統不敢聞命敢屢抗疏略陳私願
 庶章通紫庭得全微節情達宸極永守本志而
 音重復銜命申制詔臣臣實戰惕不發璽書而
 音迫於嚴詔不敢復命願陛下馳傳騁驛召音
 還臺不勝至誠

漢詔附錄

天訖漢祚辰象著明朕祗天命致位于王仍
陳歷數於詔冊喻符運於翰墨神器不可以
辭拒皇位不可以謙讓稽于天命至於再三
且四海不可以一日曠主萬機不可以斯湏
無統故建大業者不拘小節知天命者不繫
細物是以舜受大業之命而無遜讓之辭聖
人達節不亦遠乎今使音奉皇帝璽綬王其
欽承以答天下嚮應之望焉

魏文帝答詔附

昔堯以配天之德秉六合之重猶親歷塗之
數移於有虞委讓帝位忽如遺跡今天既訖
我漢命乃眷北顧帝皇之業實有大魏朕守
空名以竊古義顧視前事猶有慙德而王遜
位至于三四朕用懼焉夫不辭萬乘之位者
知命達節之數也虞夏之君處之不疑故勳
烈垂于萬載美名傳于無窮今遣守尚書令
侍中顓喻王其速陟帝位以順天人之心副
朕之大願

又尚書令桓階等奏登壇日期附

今漢氏之命已四至而陛下前後固辭臣等
伏以爲上帝之臨聖德期運之隆大魏斯豈
數載傳稱周之有天下非甲子之朝殷之去
帝位非牧野之日也故詩序商湯追本玄王
之至述姬周上錄后稷之生是以受命旣固
厥德不回漢氏衰廢行次已絕三辰垂其徵
史官著其驗耆老記先古之占百姓協歌謠
之聲陛下應天受禪當速卽壇場柴燎上帝
誠不宜久停神器拒億兆之願臣輒下太史
令擇元辰今月二十九日可登壇受命請詔
王公群卿具條禮儀別奏

與吳質書

征太子

征太子

征太子

王公稽顙具劄獻謝限奏

今對天氣今日二十七日百登聖受命請臨

端不宜入軒輅器非獻必之願臣職不太子

魏文帝集卷之八

魏文帝曹丕子桓著

書

與吳質書

質為朝歌長遷元城令太祖西征太子南在孟津小城與質書

五月二十八日丕白季重無恙塗路雖局官守

有限願言之懷良不可任足下所治僻左書問

致簡益用增勞每念昔日南皮之游誠不可忘

既妙思六經逍遙百氏彈棊間設終以博奕高

談娛心哀箏順耳馳驚北場旅食南館浮其瓜
於清泉沈朱李於寒水白日旣匿繼以朗月同
乘並載以游後園輿輪徐動賓從無聲清風夜
起悲笳微吟樂往哀來愴然傷懷余顧而言斯
樂難常足下之徒咸以爲然今果分別各在一
方元瑜長逝化爲異物每一念至何時可言方
今蕤賓紀時景風扇物天意和暖衆果具繁時
駕而遊北遵河曲從者鳴笳以啟路文學託乘
於後車節同時異物是人非我勞如何今遣騎
到鄴故使枉道相過行矣自愛丕白

一月三日丕白歲月易得來行後四年二年
不見東山猶歎其遠况又人之何可文雖書
疏往返未足解其勞結等年矣

起悲箱微吟舉往哀來情然猶存
樂難常足下之徒咸以為今果分別各在一
方元瑜長逝化為異物每念至何時可言方
今蔡質紀時景風扇物人
駕而遊北遵河曲從者
隨牒姑對其真賦斷竟矣
以故路文學託乘

又與吳質書

魏志云阮瑀以十七年卒徐幹陳琳應
瑒劉楨以二十二年卒質時為元城令
太子
與書

二月三日丕白歲月易得別來行復四年三年
不見東山猶歎其遠况又過之思何可支雖書
疏往返未足解其勞結昔年疾疫親故多離其
災徐陳應劉一時俱逝痛可言邪昔日游處行
則連輿止則接席何曾須臾相失每至觴酌流
行絲竹並奏酒酣耳熱仰而賦詩當此之時忽

然不自知樂也謂百年已分長共相保何圖數
年之間零落略盡言之傷心頃撰其遺文都爲
一集觀其姓名已爲鬼錄追思昔遊猶在心目
而此諸子化爲糞壤可復道哉觀古今文人類
不護細行鮮皆能以名節自立而偉長獨懷文
抱質恬淡寡欲有箕山之志可謂彬彬君子矣
著中論二十餘篇成一家之業辭義典雅足傳
於後此子爲不朽矣德璉常斐然有述作意其
才學足以著書美志不遂良可痛惜間者歷覽
諸子之文對之技淚旣痛逝者行自念也孔璋
章表殊健微爲繁富公幹有逸氣但未適耳至
其五言詩妙絕當時元瑜書記翩翩致足樂也
仲宣獨自善於辭賦惜其體弱不足起其文至
於所善古人無以遠過也昔伯牙絕弦於鍾期
仲尼覆醢於子路愍知音之難遇傷門人之莫
逮也諸子但爲未及古人自一時之儁也今之
存者已不逮矣後生可畏來者難誣然吾與足
下不及見也行年已長大所懷萬端時有所慮

魏文帝集 卷八 四
至乃通夕不瞑何時復類昔日已成老翁但未
白頭耳光武言年已三十在軍十年所更非一
吾德雖不及年與之齊以犬羊之質服虎豹之
文無衆星之明假日月之光動見瞻觀何時易
邪恐永不復得爲昔日游也少壯真當努力年
一過徃何可攀援古人思秉燭夜游良有以也
頃何以自娛頗復有所造述否東望於邑裁書
叙心丕白

吳質答魏太子牋附

二月八日庚寅臣質言奉讀手命追亡慮存
恩哀之隆形於文墨日月冉冉歲不與我昔
侍左右厠坐衆賢出有微行之游入有管絃
之歡置酒樂飲賦詩稱壽自謂可終始相保
並騁材力効節明主何意數年之間死喪略
盡臣獨何德堪以久長陳徐劉應才學所著
誠如來命惜其不遂可謂痛切凡此數子於
雍容侍從實其人也若乃邊境有虞群下聞
沸軍書輻至羽檄交馳於彼諸賢非其任也

往者孝武之世文章爲盛若東方朔枚臯之徒不根持論卽阮陳之儔也其惟嚴助壽王與聞政事然皆不慎其身善謀於國卒以敗亡臣竊恥之至於司馬長卿稱疾避事以著書爲務則徐生庶幾焉而今各逝已爲異物矣後來君子實可畏也伏惟所天優游典籍之場休息篇章之圃發言抗論窮理盡微摛藻下筆鸞龍之文奮矣雖年齊蕭王才實百之此衆議所以歸高遠近所以同聲也然年歲若墜今質已四十一矣白髮生鬢所慮日深實不復若平生之時也但欲保身勅行不蹈有過之地以爲知己之累耳游宴之歡難南可再遇盛年一過實不可追臣幸得下愚之吾才值風雲之會時邁齒莖猶欲觸胷奮首展其割裂之用也不勝悽悽以來命備悉故略陳至情質死罪死罪

其間與之自也亦相與對以夾希前亦文各
 昔前風雲之會劫嚴商商商商商商商商商商
 其耳與盜羊實國寶不其能且幸孫亦思志
 能亦嚴之賦以嚴賦且之累其能其志其難
 我實不其若平主志其也其將其長其其不
 氣其望今實且國其遠矣自其其其其其其其

又與吳質書

初曹真曹休與質等俱在渤海游處及
 太子即王位休真以宗親並受封爵出
 為列將而質故為長史王領
 質有望故稱二人以慰之

南皮之游存者三人烈祖龍飛或將或侯今惟
 吾子棲遲下仕從我游處獨不及門鏡罄蠹恥
 能無懷愧路不云遠今復相聞

吳質答魏王不牋附

曹烈曹丹加以公室枝庶骨肉舊恩其龍飛
 鳳翔實其分也

鳳凰寶其金也

曹然曹丹以鳳凰寶其金也

吳寶答謝玉玦書

謝無對謝玉玦書

晉書謝玉玦書

謝玉玦書

與鍾繇謝玉玦書

太祖征漢中太子在孟津聞繇有玉玦
密使臨淄侯因人說之繇遂送焉太子
與繇書

不白良玉比德君子珪璋見美詩人晉之垂棘
魯之璠璵宋之結綠楚之和璞價越萬金貴重
都城有稱疇昔流聲將來是以垂棘出晉虞虢
雙禽和璧入秦相如抗節竊見玉書稱美玉白
如截肪黑譬純漆赤擬雞冠黃侔蒸栗側聞斯
語未覩厥狀雖德非君子義無詩人高山景行

私所慕仰然四寶邈馬已遠秦漢未聞有良比也求之曠年不遇厥真私願不果饑渴未副近日南陽宗惠叔稱君侯昔有美玦聞之驚喜笑與抃會當自白書恐傳言未審是以令舍弟子建因荀仲茂時從容踰鄙旨乃不忽遺厚見周稱鄴驕旣到寶玦初至捧匣跪發五內震駭繩窮匣開爛然蒲目猥以蒙鄙之姿得覩希世之寶不煩一介之使不損連城之價旣有秦昭韋臺之觀而無藺生詭奪之誑嘉貺益腆敢不欽承謹奉賦一篇以讚揚麗質丕白

鍾繇報太子書附

昔昔忝近任并得賜玦尚方耆老頗識舊物名若其符采必得處所以爲執事有珍此者是以鄙之用未奉貢幸而紆意實以悅懌枉昔和氏殷勤忠篤而繇待命是懷愧耻

律滿之用未奉真幸而孫意實以熟對珠肯味
 稱其齊采必昏與海以爲時事自念此音長以
 審昔黍也升并昏與夫尚古音多熟滿音應各
 寶不願重綴時太子壽博城之價既有秦昭童
 承蠶奉頌一論以齋慧嬰寶玉白益膳敢不飲

與鍾繇五熟釜書

繇爲相國以五熟鼎範因太子鑄之釜成太子與繇書

昔有黃三鼎周之九寶咸以一體使調一味豈
 若斯釜五味時芳蓋鼎之烹飪以饗上帝以養
 聖賢昭德祈福莫斯之美故非大人莫之能造
 故非斯器莫宜盛德今之嘉釜有逾茲美夫周
 之尸臣宋之考父衛之孔悝晉之魏顛彼四臣
 者並以功德勒名鐘鼎今執事寅亮大魏以隆
 聖化堂堂之德於斯爲盛誠太常之所宜銘彝

器之所宜勒故作斯銘勒之釜口庶可贊揚洪
美垂之不朽

與鍾繇九日送菊書

歲往月來忽復九月九日爲陽數而日月並應
俗嘉其名以爲宜於長久故以享宴高會是月
律中無射言群木百草無有射地而生惟芳菊
紛然獨榮非夫含乾坤之純和體芬芳之淑氣
孰能如此故屈平悲冉冉之將老思餐秋菊之
落英輔體延年莫斯之貴謹奉一束以助彭祖
之術

與鍾繇書

荀閔字仲茂為太子文學掾時有甲乙疑論閔與鍾繇王朗袁渙議各不同文

帝與繇書

袁王國士更為唇齒荀閔勁悍往來銳師真君
侯之勅敵左右之深憂也

答鍾繇書

披書歡

孫權稱臣太子書報繇繇答書太子又答之

得報知喜南方至於荀公之清談孫權之斌媚
執書嗚噓不能離手若權復黠當折以汝南許
劭月旦之評權優游二國俯仰荀許亦已足矣

歡情未鍾繇答太子書附

世女負其而正厥夫

臣同郡故司空荀爽言人當遺情愛我者一
何可愛憎我者一何可憎顧念孫權了更斌

媚

應風律今之妙舞莫巧於絳樹清歌莫激於宋
膺豈能上亂靈祇下變庶物漂悠風雲橫厲無
方若斯也哉固非車子喉嚨長吟所能遠也吾
鍊色知聲雅應此選謹卜良日納之閑房

繁欽與太子牋附

正月八日壬寅領主簿欽死罪死罪近屢奉
牋不足自宣頃諸鼓吹廣求異伎時都尉薛
訪車子年始十四能喉嚨引聲與笳同音白
上呈見果如其言卽日故共觀試乃知天壤

之所生誠有自然之妙物也潛氣內轉哀音
外激大不抗越細不幽散聲悲舊筵曲美常
均及與黃門鼓吹溫胡迭唱迭和喉所發音
無不響應曲折沈浮尋變入節自初呈試中
間二旬胡欲傲其所不知尚之以一曲巧竭
意匱旣已不能而此孺子遺聲抑揚不可勝
窮優游轉化餘弄未盡暨其清激悲吟雜以
怨慕詠北狄之遐征奏胡馬之長思悽入肝
脾哀感頑豔是時日在西隅涼風拂衽茵山

魏文正公集 卷八
臨谿流泉東逝同坐仰歎觀者俯聽莫不法
泣隕滄悲懷慷慨自左驥史炳譽嬗名倡能
識以來耳目所見僉曰詭異未之聞也竊惟
聖體兼愛好竒是以因賤先白委曲伏想御
聞必含餘懽冀事速訖旋侍炆塵寓目階庭
與聽斯調宴喜之樂蓋亦無量欽死罪死罪

啁劉楨書

太子初賜楨廓落帶其後師死
欲借取爲像因書啁楨楨答之

夫物因人爲貴故在賤者之手不御至尊之側
今雖取之勿嫌其不及也

劉楨答太子書附

楨聞荆山之璞耀元后之寶隨侯之珠燭衆
士之好南垠之金登窈窕之首鼉貂之尾綴
侍臣之幘此四寶者皆伏朽壤之下潛污泥
之中而揚炆千載之上發采疇昔之外亦皆

未能初自接於至尊也夫尊者所服卑者所
脩也貴者所御賤者所先也故夏屋初成而
大匠先立其下嘉禾始熟而農夫先嘗其粒
根楨所帶無他妙飾若實殊異尚可納也

答友人書

御覽作答劉先主然意
義絕不相肖姑闕姓名

獲累紙之命兼美之貺他既備善箋鈎尤妙前
後之惠非賢兄之貢則執事之貽也來若川流
聚成山積其克匱笥頓府藏者固已無數矣

與吳監書

中國珍果甚多且復爲說蒲萄當其朱夏涉秋
尚有餘暑醉酒宿醒掩露而食其而不餽脆而
不酸冷而不寒味長汁多除煩解倦又釀以爲
酒其於麴蘖善醉而易醒道之固以流湲咽嗑
况親食之邪南方有橘酢正裂人牙時有甜耳
卽遠方之果寧有匹者乎

與群臣論蜀錦書

前後每得蜀錦殊不相比適可訝而鮮卑尚復
不愛也自吾所織如意虎頭連璧錦亦有金薄
蜀薄來至洛邑皆下惡是爲下工之物皆有虛
名

與群臣論被服書

三世長者知被服五世長者知飲食此言被服
飲食難曉也夫珍玩必中國夏則縑總綃縹其
白如雪冬則羅紈綺縠衣疊鮮文未聞衣布服

葛也

與朝臣論秔稻書

江表惟長沙名有好米何得比新城秔稻邪上
風吹之五里聞香

魏文帝集卷之九

魏文帝曹丕子桓著

書

報崔琰書

昨奉嘉命惠示雅數欲使燔翳捐褶翳已壞矣
褶亦去焉後有此比蒙復誨諸

崔琰諫世子書附

蓋開盤于游田書之所戒魯隱觀魚春秋譏
之此周孔之格言二經之明義殷鑒夏后詩

稱不遠子卯不樂禮以爲忌此又近者之得失不可不深察也袁族富彊公子寬放盤游滋侈義聲不聞哲人君子俄有色斯之志熊羆壯士墮於吞噬之用固所以擁徒百萬跨有河朔無所容足也今邦國殄瘁惠康未洽士女企踵所思者德况公親御戎馬上下勞慘世子宜遵大路慎以行正思經國之高略內鑒近戒外揚遠節深惟儲副以身爲寶而猥襲虞旅之賤服忽馳騫而陵險志雉兔之巧於天駟奔牛之誑孫吳勒八陣之變猶無益也

曹洪與世子書附

小娛忘社稷之爲重斯誠有識所以惻心也

今惟世子燔翳捐褶以塞衆望不令老臣獲罪

十二月五日共日行乃成

無厭亦欲令陳

念欲以爲歡

有河朔無所容足也今邦國殄瘁惠康未洽
士女企踵所思想德况公親御戎馬上下勞
猷君子宜遵大路慎以行正思經國之高略
卸世于猷深能醉以塞眾望利今步武趨
假幾意城魁之為重慎前後所以興況

與曹洪書

今魯罪兼苗桀惡稔厲莽縱使宋翟妙機械之
巧田單騁奔牛之誑孫吳勒八陣之變猶無益
也

曹洪與世子書附

十一月五日洪白前初破賊情侈意奢說事
頗過其實得九月二十日書讀之喜咲把翫
無厭亦欲令陳琳作報琳頃多事不能得為
念欲遠以為歡故自竭老夫之思辭多不可

一二粗舉大綱以當談咲漢中地形實有險
固四嶽三塗皆不及也彼有精甲數萬臨高
守要一夫揮戟萬人不得進而我軍過之若
駭鯨之決細網奔兕之觸暮縞未足以喻其
易雖云王者之師有征無戰不義而彊古人
常有故唐虞之世蠻夷猾夏周宣之盛亦讐
大邦詩書歎載言其難也斯皆憑阻恃遠故
使其然是以察茲地勢謂爲中材處之殆難
倉卒來命陳彼妖惑之罪序王師曠蕩之德
豈不信然是夏殷所以喪首扈所以斃我之
所以克彼之所以敗也不然商周何以不敵
哉昔鬼方聾昧崇虎讒凶殷辛暴虐三者皆
下科也然高宗有三年之征文王有遐脩之
軍盟津有再駕之役然後殪戎勝殷有此武
功焉未有星流景集飈奮霆擊長驅山河朝
至暮捷若今者也由此觀之彼固不逮下愚
則中才之守不然明矣在中才則謂不然而
來示乃以爲彼之惡稔雖有孫田墨鰲猶無

所救竊又疑焉何者古之用兵敵國雖亂尚
有賢人則不伐也是故三仁未去武王還師
宮竒在虞晉不加戎季梁猶在疆楚挫謀暨
至衆賢奔紂三國爲墟明其無道有人猶可
救也且夫墨子之守縈帶爲垣高不可登折
箸爲械堅不可入若乃距陽平據石門據八
陣之列騁奔牛之權焉肯土崩魚爛哉設今
守無巧拙皆可攀附則公輸已陵宋城樂毅
已拔卽墨矣墨翟之術何稱田單之智何貴
老夫不敏未之前聞蓋聞過高唐者效王豹
之謳游睢渙者學藻績之綵間自入益部仰
司馬揚王之遺風有子勝斐然之志故頗奮
文辭異於他日怪乃輕其家丘謂爲倩人是
可何言歟夫駮驥垂耳於垆牧鴻雀戢翼於汗
池褻之者固以爲園囿之凡鳥外廐之下乘
也及其整蘭筋揮勁翮陵厲清浮顧盼千里
豈可謂其借翰於晨風假足於六駮哉恐猶
未信丘言必大噓也洪白

木言立言必大觀也然自
 豈可謂其昔德公景風野
 出及其空蘭論軒經隔
 此變之清固以爲園園之
 所言燠夫魏艱垂耳於
 文籍異於昨日到以轉其
 同黑琳王之豈風有千
 之語執非與昔學葉蘇之
 朱夫不烟末多前閣蓋
 高專昔然王

與王朗書

帝初在東宮疫癘大起時人彫傷帝深
 感歎與大理王朗書故論撰所著典論
 詩賦百餘篇集諸儒於肅成
 門內講論大義侃侃無倦

人生有七尺之形死爲一棺之土惟立德揚名
 可以不朽其次莫如著篇籍疫癘數起士人雕
 落余獨何人能全其壽

又

宋仲子之子與魏諷謀
 反伏誅太子答朗書

昔石厚與州吁游父碓知其與亂韓子昵田蘇

魏文帝集 卷九 六
穆子知其好仁故君子游必有方居必就士誠
有以也嗟乎宋忠無石子先識之明老羅此禍
今雖欲願行滅親之誅立純臣之節尚可得邪
又
孫權重遣使稱臣奉貢明珠百筐黃金千鎰馴
象二頭或牝或牡擾禽鸚鵡其他珍玩盈舟溢
航千類萬品

又

丕白不愛江漢之珠而愛巴蜀之鈎此言難得
之貴寶不若易有之賤物

劉生又裁兩段製微不長有似里父之服今聞
蚤虱雖細慮於安寢鼯鼠至微猶毀如牛也

有以也嗟乎宋

又

孫權重遣使稱臣奉貢明珠百筐黃金千鎰馴
象二頭或牝或牡擾禽鸚鵡其他珍玩盈舟溢
菴屣輓膝亂外安舞鬣鼻至齟齬與咬半世

又

太貢寶來昔暴自安類啖巴蜀之鈞此言難得

與劉曄書

劉生帽裁兩段製微不長有似里父之服今帽
所當著

魏文帝集 卷九
與諸將書

劉備既孤老智窮勢極正使欲與死爭則諸將軍便當就穴中搏取之耳

報吳王孫權書

權上書說劉備支黨四萬人馬二三千匹出稱歸請往掃撲以克捷為效帝報之

昔隗囂之弊禍發柁邑子陽之禽變起扞關將軍其亢厲威武勉蹈竒功以稱吾意

又報孫權書

前使于禁郭及夫所道吾織驪馬本欲使禁自致之念將軍儻欲速得今故以付徐奉往此二馬朕之常所自乘甚調良善走數萬疋之極選者乘之真可樂也中國雖饒馬其知名絕足亦時有之耳

又報孫權書

權以使聘魏具上破備獲印綬及首級所得土地并表將吏功勤宜加爵賞文帝報使致臆子裘明光鎧駢馬又以素書所作典論及詩賦與權詔答之

老虜邊窟越險深入曠日持久內迫罷弊外困智力故見身於雞頭分兵擬西陵其計不過謂可轉是前迹以搖動江東根未著地摧折其支雖未剗備五藏使身首分離其所降誅亦足使虜部衆兇懼昔吳漢先燒荊門後發夷陵而子陽無所逃其死來歙始襲略陽文叔喜之而知

魏囂無所施其巧今討此虜正似其事將軍勉
建方略務全獨克

又報孫權書

權外託事魏而誠心不款魏遣侍中辛毗尚書桓階往與盟誓并徵任子登辭讓不受魏乃命曹休等數道攻吳時揚越蠻夷多未平復內難未弭權早辭上書求自解厲若必不見置當奉還土地寄命交州帝報之

君生於擾攘之際本有從橫之志降身奉國以
享茲祚自君策名已來貢獻盈路討備之功國
朝仰成埋而掘之古人之所恥朕之與君大義
已定豈樂勞師遠臨江漢廊廟之議王者所不
得專三公上君過失皆有本末朕以不明雖有

曾母投杼之疑猶冀言者不信以爲國福故先遣使者犒勞又遣尚書侍中踐脩前言以定任子君遂設辭不欲使進議者怪之又前都尉浩周勸君遣子乃實朝臣交謀以此卜君君果有辭外引隗躡遣子不終內喻竇融守忠而已世殊時異人各有心浩周之還口陳指麾益令議者發明衆嫌終始之本無所據杖故遂俛仰從群臣議今省上事款誠深至心用慨然悽愴動容卽日下詔勅諸軍但深溝高壘不得妄進若君必效忠節以解疑議登身朝到夕召兵還此言之誠有如大江

常侍領新城太守後父
近日有命未足達旨何者昔伊摯背商而歸周百里去虞而入秦樂毅感鵬夷以蟬蛻王遵識

辭外引隗躡遣子不終內喻實融守忠而已世
 殊時異人各有心浩周之還口陳指麾益令
 者發明衆嫌終始之本無所據杖故遂俛仰從
 言支端育吸大武款誠深至心用慨然悽愴動
 昏凶效忠猶烈翰策藉登長障匪又各其戮也

與孟達書

延康元年達率部曲四千餘家歸魏時文帝初卽王位既宿知有達聞其來甚悅逆與達書達至拜散騎常侍領新城太守後反誅

近日有命未足達旨何者昔伊摯背商而歸周
 百里去虞而入秦樂毅感鴟夷以蟬蛻王遵識
 逆順以去就皆審廢興之符效知成敗之必然
 故丹青畫其形容良史載其功勳聞卿姿度純
 茂器量優絕當騁能明時收名傳記今者翻然
 濯鱗清流甚相嘉樂虛心西望依依若舊下筆

屬辭歡心從之昔虞卿入趙再見取相陳平就
漢一覲參乘孤今於卿情過於往故致所御馬
物以昭忠愛

又與孟達書

今者海內清定萬里一統三垂無邊塵之警中
夏無狗吠之虞以是弛罔濶禁與世無疑保官
空虛初無資任卿來相就當明孤意慎勿令家
人續紛道路以親駭踈也若卿欲來相見且當
先安部曲有所保固然後徐徐輕騎來東

于文帝出首代呆固然愛余余到燕來東

人驚餘首詔以縣魏魏也昔魏來時良且當

空亂既無資丑噉來時掠當即亦意與也今家

夏無所知之真以景游因國禁與世無疑則官

今昔武內實武萬里一絲三垂無感望之誓中

又與孟敬書

魏文帝集卷之十

魏文帝曹丕子桓著

序

典論自序

初平之元董卓殺主鵠后蕩覆王室是時四海

既困中平之政兼惡卓之凶逆家家思亂人人

自危山東牧守咸以春秋之義衛人討州吁于

濮言人人皆得討賊於是大興義兵名豪大俠

富室強族飄揚雲會萬里相赴交豫之師戰于

滎陽河內之甲軍于孟津卓遂遷大駕西都長
安而山東大者連郡國中者嬰城邑小者聚阡
陌以還相吞併會黃巾盛於海嶽山寇暴於并
冀乘勝轉攻席卷而南鄉邑望烟而奔城郭覩
塵而潰百姓死亡暴骨如莽余時年五歲上以
世方擾亂教余學射六歲而知射又教余騎馬
八歲而知騎射矣以時之多故每征余常從建
安初上南征荊州至宛張繡降旬日而反亡兄
孝廉子脩從兄安民遇害時余年十歲乘馬得
脫夫文武之道各隨時而用生于中平之季長
于戎旅之間是以少好弓馬于今不衰逐禽輒
十里馳射常百步日多體健心每不厭建安十
年始定冀州滅貊貢良弓燕代獻名馬時歲之
暮春勾芒司節和風扇物弓燥手搖草淺獸肥
與族兄子丹獵于鄴西終日手獲麋鹿九雉兔
三十後軍南征次曲蠡尚書令荀彧奉使犒軍
見余談論之末彧言聞君善左右射此實難能
余言執事未覩夫項發口縱俯馬蹄而仰月支

也或喜笑曰乃爾余曰埒有常徑的有常所雖
每發輒中非至妙也若馳平原赴豐草要狡獸
截輕禽使弓不虛彎所中必洞斯則妙矣時軍
祭酒張京在坐顧或拊手曰善余又學擊劍開
師多矣四方之法各異唯京師爲善桓靈之間
有虎賁王越善斯術稱於京師河南史阿言昔
與越遊具得其法余從阿學之精熟嘗與平虜
將軍劉勲奮威將軍鄧展等共飲宿聞展善有
手臂曉五兵又稱其能空手入白刃余與論劍

良久謂言將軍法非也余顧嘗好之又得善術
因求與余對時酒酣耳熱方食芋蕪便以爲杖
下殿數交三中其臂左右大笑展意不平求更
爲之余言吾法急屬難相中面故齊臂耳展言
願復一交余知其欲突以取交中也因僞深進
展果尋前余却脚鄒正截其額坐中驚視余還
坐笑曰昔陽慶使淳于意去其故方更授以祕
術今余亦願鄧將軍捐棄故伎更受要道也一
坐盡歡夫事不可自謂已長余少曉持複自謂

無對俗名雙戟爲坐鐵室鑲楯爲蔽木戶後從
陳國袁敏學以單攻複每爲若神對家不知所
出先曰若逢敏於狹路直決耳余於他戲弄之
事少所喜唯彈碁略盡其巧少爲之賦昔京師
先工有馬合鄉侯東方安世張公子常恨不得
與彼數子者對上雅好詩書文籍雖在軍旅手
不釋卷每每定省從容常言人少好學則思專
長則善忘長大而能勤學者唯吾與袁伯業耳
余是以少誦詩論及長而備歷五經四部史漢
諸子百家之言靡不畢覽

上西征余嘗
笳同音欲
甚麗

先王有昆台鄉侯東方安世張公子常恨不得
與彼數子者對上雅好詩書文籍雖在軍旅于
不釋卷每每定省從容常言人少好學則思專
長則善志長大而能勤學者唯吾與袁伯業耳
蓄千百家之言輯不畢製備屋五經四部史

繁欽集序

上西征余守譙繁欽從時薛訪車子能喉嚨與
笳同音欽牋還與余盛歎之雖過其實而其文
甚麗

此亦繁欽其牋也

上平字對中欽文

陳琳集序

上平定漢中族父都護還書與余盛稱彼方土地形勢觀其辭如陳琳所叙爲也

論人善惡不計其能
典論論文

文人相輕自古而然傅毅之於班固伯仲之間耳而固小之與第超書曰武仲以能屬文爲蘭臺令史下筆不能自休夫人善於自見而文非一體鮮能備善是以各以所長相輕所短里語曰家有弊帚享之千金斯不自見之患也今之文人魯國孔融文舉廣陵陳琳孔璋山陽王粲仲宣北海徐幹偉長陳留阮瑀元瑜汝南應瑒

德璉東平劉楨公幹斯七子者於學無所遺於辭無所假咸以自騁驥驟於千里仰齊足而並馳以此相服亦良難矣蓋君子審已以度人故能免於斯索而作論文王粲長於辭賦徐幹時有齊氣然粲之匹也如粲之初征登樓槐賦征思幹之玄猿漏卮圓扇橘賦雖張蔡不過也然於他文未能稱是琳琅之章表書記今之儔也應瑒和而不壯劉楨壯而不密孔融體氣高妙有過人者然不能持論理不勝辭至於雜以嘲戲及其所善楊班儔也常人貴遠賤近向聲背實又患闇於自見謂已爲賢夫文本同而末異蓋奏議宜雅書論宜理銘誄尚實詩賦欲麗此四科不同故能之者偏也唯通才能備其體文以氣爲主氣之清濁有體不可力彊而致譬諸音樂曲度雖均節奏同檢至於引氣不齊巧拙有素雖在父兄不能以移子弟蓋文章經國之大業不朽之盛事年壽有時而盡榮樂止乎其身二者必至之常期未若文章之無窮是以古

之作者寄身於翰墨見意於篇籍不假良史之辭不託飛馳之勢而聲名自傳於後故西伯幽而演易周旦顯而制禮不以隱約而不務不以康樂而加思夫然則古人賤尺璧而重寸陰懼乎時之過已而人多不彊力貧賤則懼於饑寒富貴流於逸樂遂營目前之務而遺千載之功日月逝於上體貌衰於下忽然與萬物遷化斯亦志士大痛也融等已逝唯幹著論成一家言

典論論方術

潁川郤儉能辟穀餌伏苓其始亦善行氣老有少容廬江左慈知補導之術並爲軍吏初儉之至市伏苓價暴數倍議郎安平李覃學其辟穀餐伏苓飲寒水中泄利殆至隕命後始來衆人無不眦視狼顧呼吸吐納軍謀祭酒弘農董芬爲之過差氣閉不通良久乃蘇左慈到又競受其補導之術至寺人嚴峻徃從問受閣豎真無事於斯術也人之逐聲乃至於是光和中

北海王和平亦好道術自以當仙濟南孫邕少
事之從至京師會和平病死邕因葬之東陶有
書百餘卷藥數囊悉以送之後弟子夏榮言其
尸解邕至今恨不取其寶書仙藥劉向惑於鴻
寶之說君游眩於子政之言古今愚謬豈唯一
人哉

周成漢昭論

或方周成王於漢昭帝僉高成而下昭余以爲
周成王體上聖之休氣稟賢妣之胎誨周召爲
保傅呂尚爲太師口能言則行人稱辭足能履
則相者導儀目厭威容之美耳飽仁義之聲所
謂沈漬玄流而沐浴清風者矣猶有咎悔聆二
叔之謗使周公東遷皇天赫怒顯明厥咎猶啟
諸金縢稽諸國史然後乃悟不亮周公之聖德
而信金縢之教言豈不暗哉夫孝昭父非武王

母非邑姜養惟蓋主相則桀光體不承聖化不
胎育保無仁孝之質佐無隆平之治所謂生於
深宮之中長於婦人之手然而德與性成行與
體并年在二七早智夙達發燕書之詐亮霍光
之誠豈將有故金滕信國史而後乃悟哉使夫
昭成均年而立易世而化質臣而治換樂而歌
則漢不獨少周不獨多也

漢文帝論

昔有苗不賓重華舞以干戚尉佗稱帝孝文撫
以恩德吳王不朝錫之几杖以撫其意而天下
賴安能弘三章之教愷悌之化欲使曩時累息
之民得濶步高談無危懼之心若賈誼之才敏
籌畫國政特賢臣之器管晏之姿豈若孝文大
人之量哉

帝集諸儒於肅城門內講論大義嘗
嘉漢文寬仁玄默務欲以德化民有
賢聖之風時諸儒或以孝文雖賢其通
達國體不如賈誼帝由是著太宗論

鑿畫圖如耕賀呂之器晉吳之委豈昔萃文大
之月野闢步高筵無可對之心昔賈誼之木燔
酥安銷以三章之條豈斜之外於與漢初累息
以恩斷吳王不腴變之八妹以無其意而天不
昔育苗不實重華戮以干知操少無帝孝文勝

漢文帝論

漢武帝論

孝武帝承累世之遺業遇中國之殷阜府庫餘
錢帛倉廩畜腐米因此有意平滅匈奴廓清
邊境矣故卽位之初從王恢之書設馬邑之謀
自元光以迄征和四十五載之間征匈奴四十
餘舉踰廣漠絕梓嶺封狼居胥禪姑嶧梁北河
觀兵瀚海刈單于之旗勦闕氏之首探符離之
窟掃五王之庭納休屠昆耶之附獲祭天金人
之寶斬名王以十數馘首虜以萬計旣窮追其

敗亡又摧破其積聚虜不暇於救死扶傷疲於
孕重墮殞元封初躬執武節告以天子自將懼
以兩越之誅易彼符號可爲威震匈奴矣

交友論

夫陰陽交萬物成君臣交邦國治士庶交德行
光同憂樂共富貴而友道備矣易曰上下交而
其志同由此觀之交乃人倫之本務王道之大
義非特士友之志也

其志同由也購之文以人命之本卷五十四之大

夫同憂樂共富貴而文豈謝矣乎自是而後
夫劍剔交萬世如昔耳交泯則亦其交也
交交歸

議

田疇辭封議

昔遠敖逃祿傳載其美所以激濁世勵貪夫賢
於尸祿素餐之人也故可得而小不可得而毀
至於田疇方斯近矣免官加刑於法爲重

連珠

連珠三首

蓋聞琴瑟高張則哀彈發節士抗行則榮名至
是以申胥流音於南極蘇武揚聲於朔裔

蓋聞四節異氣以成歲君子殊道以成名故微
子奔走而顯比干剖心而榮

蓋聞駑蹇服御良樂咨嗟鉛刀剖截歐冶嘆息
故少師幸而季梁懼宰嚭任而伍員憂

功少而幸而幸少
于奔去而懸其于
陪山而榮

蓋聞四嶺異屏以
列嶽其于根首及
其各始端
是以申胥旅音
於南越藉流其
蓋聞琴瑟高張
傾京戰幾澹士
其音則氣各至

蜚糗三首

蜚糗

銘

露陌刀銘

於鑠良刀胡煉
直時譬諸麟角
靡所任茲不逢
不若永世寶持
利用衛身以威
弗治

魏文帝集 卷十
賜鍾繇五熟釜銘

於赫有魏作漢藩輔厥相惟鍾寔幹心膺靖恭
夙夜匪遑安處百寮師師楷茲度矩

文

卽位告天文

皇帝臣丕敢用玄牡昭告于皇皇后帝漢歷世
二十有四踐年四百二十有六四海困窮王綱
不立五緯錯行靈祥並見推術數者慮之古道
咸以爲天之歷數運終茲世凡諸嘉祥民神之
意比昭有漢數終之極魏家之符漢主以神器
宜授於臣憲章有虞致位于丕丕震畏天命雖
休勿休群公庶尹六事之人外及將士泊于蠻

夷君長僉曰天命不可以辭拒神器不可以久
曠群臣不可以無主萬機不可以無統丕祗承
皇象敢不欽承卜之守龜兆有大橫筮之三易
兆有革兆謹擇元日與群寮登壇受帝璽綬告
類于爾大神唯爾有神尚饗永吉兆民之望祚
于有魏世享

哀策文

武帝哀策文

痛神曜之幽潛哀鼎俎之虛置舒皇德而詠思
遂膈臆以莅事矧乃小子夙遭不造皦皦在疚
嗚呼皇考產我曷晚棄我曷早群臣子輔奪我
哀願猥抑奔墓俯就權變卜葬旣從大隧旣通
漫漫長夜窈窈玄宮有晦無明曷有所窮鹵簿
旣整三官駢羅前驅建旗方相執戈棄此宮庭
陟彼山阿

哀願與...
 皇...
 參...
 贏...
 友帝...
 哀策文

友帝哀策文

哀策文

誄

弟蒼舒誄

曹冲字蒼舒文帝之弟也少聰察岐嶷
 有成人之智年十三病卒曹公哀甚為
 聘甄氏亡女與合
 葬贈騎都尉印綬

惟建安十有五年五月甲戌童子曹蒼舒卒嗚
 呼哀哉乃作誄曰
 於惟淑弟懿矣純良誕豐令質荷天之光既哲
 且仁爰柔克剛彼德之容茲義肇行猗歟公子
 終然允臧宜逢介祉以永無疆如何昊天彫斯

後英嗚呼哀哉惟人之生忽若朝露役役百年
豐豐行暮矧爾夙夭十三而卒何辜于天景命
不遂兼悲增傷侘傺失氣永思長懷哀爾罔極
貽爾良妃襍爾嘉服越以乙酉宅彼城隅增丘
峩峩寢廟渠渠姻媾雲會充路盈衢悠悠群司
岌岌其車傾都蕩邑爰迄爾居魂而有靈庶可
以娛嗚呼哀哉

附錄

魏文帝紀

晉陳

壽

文皇帝諱丕字子桓武帝太子也中平四年冬
生于譙建安十六年爲五官中郎將副丞相二
十二年立爲魏太子太祖崩嗣位爲丞相魏王
尊王后曰王太后改建安二十五年爲延康元
年壬戌以太中大夫賈詡爲太尉御史大夫華
歆爲相國大理王朗爲御史大夫置散騎常侍
侍郎各四人其宦人爲官者不得過諸署令爲

金策著令藏之石室初漢熹平五年黃龍見譙
光祿大夫橋玄問太史令單颺此何祥也颺曰
其國後當有王者興不及五十年亦當復見天
事恒象此其應也內黃殷登默而記之至四十
五年登尚在三月黃龍見譙登聞之曰單颺之
言其驗茲乎已卯以前將軍夏侯惇爲大將軍
濊貊扶餘單于焉耆于闐王皆各遣使奉獻夏
四月丁巳饒安縣言白雉見庚午大將軍夏侯
惇薨五月戊寅天子命王追尊皇祖太尉曰太
王夫人丁氏曰太王后封王子獻爲武德侯是
月馮翊山賊鄭甘王照率衆降皆封列侯酒泉
黃華張掖張進等各執太守以叛金城太守蘇
則討進斬之華降六月辛亥治兵于東郊庚午
遂南征秋七月孫權遣使奉獻蜀將孟達率衆
降武都氏王楊僕率種人內附居漢陽郡甲午
軍次于譙大饗六軍及譙父老百姓于邑東八
月石邑縣言鳳皇集冬十一月癸卯令曰諸將
征伐士卒死亡者或未收斂吾甚哀之其告郡

國給構積殞歛送致其家官爲設祭丙午行至
曲蠡漢帝以衆望在魏乃召群公卿士告祠高
廟使兼御史大夫張音持節奉璽綬禪位冊曰
咨爾魏王昔者帝堯禪位于虞舜舜亦以命禹
天不于常惟歸有德漢道陵遲世失其序降及
朕躬大亂茲昏群兇肆逆宇內顛覆賴武王神
武拯茲難于四方惟清區夏以保綏我宗廟豈
予一人獲又俾九服實受其賜今王欽承前緒
光于乃德恢文武之大業昭爾考之弘烈皇靈
降瑞人神告徵誕惟亮采師錫朕命僉曰爾度
克協于虞舜用率我唐典故遜爾位於戲天之
曆數在爾躬允執其中天祿永終君其祗順大
禮饗茲萬國以肅承天命乃爲壇於繁陽庚午
王升壇卽阼百官陪位事訖降壇視燎成禮而
反改延康爲黃初大赦黃初元年十一月癸酉
以河內之山陽邑萬戶奉漢帝爲山陽公行漢
正朔以天子之禮郊祭上書不稱臣京都有事
于太廟致胙封公之四子爲列侯追尊皇祖太

王曰太皇帝考武王曰武皇帝尊王太后曰皇太后賜男子爵人一級爲父後及孝悌力田人二級以漢諸侯王爲崇德侯列侯爲關中侯以潁陰之繁陽亭爲繁昌縣封爵增位各有差改相國爲司徒御史大夫爲司空奉常爲太常郎中令爲光祿勳大理爲廷尉太農爲大司農郡國縣邑多所改易更授匈奴南單于呼厨泉魏璽綬賜青蓋車乘輿寶劔玉玦十二月初營洛陽宮戊午幸洛陽是歲長水校尉戴陵諫不宜數行弋獵帝大怒陵減死罪一等二年春正月郊祀天地明堂甲戌校獵至原陵遣使者以大牢祠漢世祖乙亥朝日于東郊初令郡國口滿十萬者歲察孝廉一人其有秀異無拘戶口辛巳分三公戶邑封子弟各一人爲列侯壬午復潁川郡一年田租改許縣爲許昌縣以魏郡東部爲陽平郡西部爲廣平郡春三月加遼東太守公孫恭爲車騎將軍初復五銖錢夏四月以車騎將軍曹仁爲大將軍五月鄭甘復叛遣曹

仁討斬之六月庚子初祀五嶽四瀆咸秩群祀
丁卯夫人甄氏卒戊辰晦日有食之有司奏免
太尉詔勿復劾三公秋八月孫權遣使奉章并
遣于禁等還丁巳使太常邢貞持節拜權爲大
將軍封吳王加九錫冬十月授楊彪光祿大夫
以穀貴罷五銖錢己卯以大將軍曹仁爲大司
馬十二月行東巡是歲築陵雲臺三年春正月
丙寅朔日有蝕之庚午行幸許昌宮二月鄴善
龜茲于闐王各遣使奉獻詔曰西戎卽叙氏羌
來王詩書美之頃者西域外夷並款塞內附其
遣使者撫勞之是後西域遂通置戊己校尉三
月乙丑立齊公叡爲平原王帝弟鄆陵公彰等
十一人皆爲王初制封王之庶子爲鄉公嗣王
之庶子爲亭侯公之庶子爲亭伯甲戌立皇子
霖爲河東王甲午行幸襄邑夏四月戊申立鄆
城侯植爲鄆城王癸亥行還許昌宮五月以荆
揚江表八郡爲荊州孫權領牧故也荊州江北
諸郡爲鄆州閏月孫權破劉備于夷陵初帝聞

備兵東下與權交戰樹柵連營七百餘里謂群臣曰備不曉兵豈有七百里營可以拒敵者乎苞原隰險阻而為軍者為敵所禽此兵忌也孫權上事今至矣後七日破備書到秋七月冀州大蝗民饑使尚書杜畿持節開倉廩以振之八月蜀大將黃權率眾降九月庚子立皇后郭氏賜天下男子爵人二級鰥寡篤癯及貧不能自存者賜穀冬十月甲子表首陽山東為壽陵作終制是月孫權復叛復郢州為荊州帝自許昌南

征諸軍兵並進權臨江拒守十一月辛丑行幸宛庚申晦日有食之是歲穿靈芝池四年春正月築南巡臺于宛三月丙申行自宛還洛陽宮癸卯月犯心中央大星丁未大司馬曹仁薨是月大疫夏五月有鷓鴣鳥集靈芝池詔舉天下儁德茂才獨行君子以答曹人之刺六月甲戌任城王彰薨于京都甲申太尉賈詡薨太白晝見是月大雨伊洛溢流殺人民壞廬宅秋八月丁卯以廷尉鍾繇為太尉辛未校獵于熒陽遂

東巡論征孫權功諸將已下進爵增戶各有差
九月甲辰行幸許昌宮五年春正月初命謀反
大逆乃得相告其餘皆勿聽治敢妄相告以其
罪罪之三月行自許昌還洛陽宮夏四月立太
學制五經課試之法置春秋穀梁博士五月有
司以公卿朝朔望日因奏疑事聽斷大政論辨
得失秋七月行東巡幸許昌宮八月爲水軍親
御龍舟循蔡潁浮淮幸壽春揚州界將吏士民
犯五歲刑已下皆原除之九月遂至廣陵赦青

徐二州改易諸將守冬十月乙卯太白晝見行
還許昌宮十一月庚寅以冀州饑遣使者開倉
廩賑之戊申晦日有食之是歲穿天淵池六年
春二月遣使者循行許昌以東盡沛郡問民所
疾苦貧者賑貸之三月行幸召陵通討虜渠乙
巳還許昌宮并州刺史梁習討鮮卑軻比能大
破之辛未帝爲舟師東征五月戊申幸醮壬戌
熒惑入太微六月利成郡兵蔡方等以郡反殺
太守徐質遣屯騎校尉任福步兵校尉段昭與

青州刺史討平之其見脅略及亡命者皆赦其
罪秋七月立皇子鑿爲東武陽王八月帝遂以
舟師自譙循渦入淮從陸道幸徐九月築東巡
臺冬十月行幸廣陵故城臨江觀兵戎卒十餘
萬旌旗數百里是歲大寒水道冰舟不得入江
乃引還十一月東武陽王鑿薨十二月自譙過
梁遣使以大牢祀故漢太尉橋玄七年春正月
將幸許昌許昌城南門無故自崩帝心惡之遂
不入壬子行還洛陽宮二月築九華臺夏五月
丙辰帝疾篤召中軍大將軍曹真鎮軍大將軍
陳群征東大將軍曹休撫軍大將軍司馬宣王
並受遺詔輔嗣王遣後宮淑媛昭儀已下歸其
家丁巳帝崩于嘉福殿時年四十六月戊寅葬
首陽陵自殯及塋皆以終制從事初帝好文學
以著述爲務自所勒成垂百篇又使諸儒撰集
經傳隨類相從凡千餘篇號曰皇覽

評曰文帝天資文藻下筆成章博聞彊識才藝
兼該若加之曠大之度勵以公平之誠邁志存

魏文帝集 附錄
道克廣德心則古之賢主何遠之有哉

以蒼姿瀟灑自洒博知聖百篇文受命靈期樂
首剡剡自歎又整首以參歸於車馬亦故文學
家丁曰帝崩于臺臨歎御手四十六日與黃臺
並受遺命備神廟正靈外宮城效即命已不繼其
刺蘇珍東大將軍曹本理事人皆曰此靈也王
因列帝表蕭公中軍人皆曰此靈也

答五官中郎將書

魏劉 廙

廙轉五官中郎將文學帝
器之命廙通草書廙答

初以尊卑有踰禮之常分也是以貪守區區之
節不敢脩草必如嚴命誠知勞謙之素不貴殊
異若彼之高而惇白屋如斯之好苟使郭隗不
輕於燕九九不忽於齊樂毅自至霸業以隆虧
匹夫之節成巍巍之美雖愚不敏何敢以辭

與世子書

魏王 朗

不遣惠書所以慰沃奉讀歡笑以藉饑渴雖復
萱草忘憂皐蘇釋勞無以加也

公讌詩

魏劉 禎

永日行遊戲歡樂猶未央
遑思在玄夜相與復
翱翔輦車飛素蓋從者盈路傍
月出照園中珍木鬱蒼蒼
清川過石渠流波為魚防
芙蓉散其華菡萏溢金塘
靈鳥宿水齋仁獸遊飛梁
華館寄流波豁達來風涼
生平未始聞歌之安能詳
投翰長歎息綺麗不可忘

贈五官中郎將四首

劉 禎

昔我從元后整駕至南鄉
過彼豐沛都與君共

翔翔四節相推斥季冬風且涼衆賓會廣坐明
鑿煒炎光清歌製妙聲萬舞在中堂金疊合其
醴羽觴行無方長夜忘歸來聊且爲太康四牡
向路馳歡悅誠未央

余嬰沈痼疾竄身清漳濱自夏涉玄冬彌曠十
餘旬常恐游岱宗不復見故人所親一何篤步
趾慰我身清談同日夕情盼叙憂勤便復爲別
辭遊車歸西鄰素葉隨風起廣路揚埃塵逝者
如流水哀此遂離分追問何時會要我以陽春

望慕結不解貽爾新詩文勉哉修令德北面自
寵珍

秋日多悲懷感慨以長歎終夜不遑寐叙意於
濡翰明燈曜閨中清風淒已寒白露塗前庭應
門重其關四節相推斥歲月忽欲殫壯士遠出
征戎事將獨難滄泣灑衣裳能不懷所歡

涼風吹沙礫霜氣何皚皚

五來切

明月照緹幕華

燈散炎輝賦詩連篇章極夜不知歸君侯多壯
思文雅縱橫飛小臣信頑鹵僮俛安能追

魏文公讌詩

王 粲

昊天降豐澤百卉挺葳蕤涼風撤蒸暑清雲却
炎暉高會君子堂並坐蔭華棖嘉肴充圓方旨
酒盈金罍管絃發徽音曲度清且悲合坐同所
樂但慙栝行遲嘗聞詩人語不醉且無歸今日
不極歡含情欲待誰見眷良不翅守分豈能違
古人有遺言君子福所綏願我賢主人與天享
巍巍克符周公業奕世不可追

公讌詩

應 瑒

巍巍主人德佳會被四方開館延群士置酒于
斯堂辨論釋鬱結援筆興文章穆穆衆君子好
合同歡康促坐褰重帷傳滿騰羽觴

侍五官中郎將建章臺集

應 瑒

朝鴈鳴雲中音響一何哀問子遊何鄉戢翼正
徘徊言我塞門來將就衡陽棲往春翔北土今
冬客南淮遠行蒙霜雪毛羽日摧頽常恐傷肌
骨身隕沈黃泥簡珠墮沙石何能中自諧欲因
雲雨會濯翼陵高梯良遇不可值伸眉路何階

公子敬愛客樂飲不知疲和顏既已暢乃肯顧
細微贈詩見存慰小子非所宜且爲極權情不
醉其無歸凡百敬爾位以副饑渴懷

將臥公讌詩

阮瑀

陽春和氣動賢主以崇仁布惠綏人物降愛常
所親上堂相娛樂中外奉時珍五味風雨集杯
酌若浮雲

思慕文帝詩

吳質

愴愴懷殷憂殷憂不可居徙倚不能坐出入步
踟躕念蒙聖主恩榮爵與衆殊自謂永終身志
氣甫當舒何意中見棄棄我就黃墟煢煢靡所
恃淚下如連珠隨沒無所益身死名不書慷慨
自愧仰庶幾烈丈夫

潘官

公讌詩

陽春和氣動賢王以崇仁有惠綏人物隆愛當
自發心無幾然丈夫

赫赫不吹塵和副對無前益後以公不音新

屏甫當晉何意中具棄棄外涼黃黃并濟烈也

唯國念榮望玉身榮尚東來松竹清風送新風志

遺事

帝年八歲能屬文有逸才遂博貫古今經傳諸

子百家之書善騎射好擊劍舉茂才不行魏書

帝為司徒趙溫所辟太祖表溫辟臣子弟選舉

故不以實使侍中守光祿勳郗慮持節奉策免

溫官獻帝起 居注

楊脩與丁儀兄弟皆欲以植為嗣太子患之以

車載廢簾內朝歌長吳質與謀脩以白太祖未

及推驗太子懼告質質曰何患明日復以簾受

緝車內以惑之脩必復重白重白必推而無驗
則彼受罪矣世子從之脩果白而無人太祖由
是疑焉

世語

魏王嘗出征世子及臨菑侯植並送路側植稱
述功德發言有章左右屬目王亦悅焉世子悵
然自失吳質耳曰王當行流涕可也及辭世子
泣而拜王及左右咸歔歔於是皆以植辭多華
而誠心不及也

世語

文帝爲五官將而臨菑侯植才名方盛各有當
與有奪宗之議文帝使人問詡自固之術詡曰
願將軍恢崇德度躬素士之業朝夕孜孜不違
子道如此而已文帝從之深自砥礪太祖又嘗
屏除左右問詡詡嘿然不對太祖曰與卿言而
不答何也詡曰屬適有所思故不卽對耳太祖
曰何思詡曰思袁本初劉景升父子也太祖大
笑於是太子遂定

賈詡傳

帝升壇禮畢顧謂群臣曰舜禹之事吾知之矣

魏氏

春秋

魏文帝集

卷八

十五

劉用

帝以素書所著典論及詩賦餉孫權又以紙寫

一通與張昭

吳歷

帝善彈棊能用手巾角時有一書生又能低頭

以所冠著葛巾角檄棊

博物志

太祖下鄴文帝先入袁尚府見婦人被髮垢面

垂涕立紹妻劉後文帝問知是熙妻使令攬髮

以袖拭面姿貌絕倫既過劉謂甄曰不復死矣

遂納之有子

世語

魏甄后惠而有色先為袁熙妻甚獲寵曹公之

屠鄴也令疾召甄左右白五官中郎已將去公

曰今年破賊正為奴

世說新語

魏文帝納美女薛靈芸有獻火珠龍鸞釵帝曰

珠翠尚不勝况龍鸞之重乎

王子年拾遺錄

五官將知王忠昔嘗噉人時因從駕出行令取

家間髑髏着忠馬鞍以為嬉笑

魏畧

東開闢朝者忠無嫌以為敬矣

駱畧

正帝深味王忠昔嘗勸人勸因錄其出於今頭

後帝尚不測其請讒安之重乎

文帝臨美其朝靈其有類也

曰今幸知如王為外

...

集評

文帝詩源出於李陵頗有仲宣之體則所計百

許篇率皆鄙質如偶語惟西北有浮雲十餘首

殊美贍可翫始見其工矣不然何以銓衡羣彦

對揚厥躬者耶

詩品

魏文之才洋洋清綺舊談抑之謂去植千里然

子建思捷而才儁詩麗而表逸子桓慮詳而力

緩故不競於先鳴而樂府清越典論辯要迭用

短長亦無惜焉但俗情抑揚雷同一響遂令文

帝以位尊減才思王以勢窘益價未爲篤論也

文心雕龍

魏文帝下詔辭義多偉至於作威作福其萬慮之一弊乎

文帝詩便婉孌細秀有公子氣有文士氣風雅

縕藉又非六朝人主所及 詩歸

同是短歌同是善哉父子同作詳其聲意武帝

之武文帝之文各在言表矣 詩歸

詩歸

兼濟



